



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Sodalitatis B. Mariae Virginis. siue Exercitium Spirituale Christianae Pietatis

Véron, François

Coloniae Agrippinae, 1505 [i. e. 1605]

Pars 1. Sacramenti huius dignitas, & fructus.

[urn:nbn:de:hbz:466:1-46577](https://nbn-resolving.org/urn:nbn:de:hbz:466:1-46577)

CAPVT V.
EXERCITIUM
EIVSDEM REGVLAE,
TERTIAE, DE AVGV-
stissimo Eucharistiæ
Sacramento.

PARS PRIMA.

De Augustissimi huius Sacramenti admirabili, & stupenda dignitate; deq; illius eximijis fructibus.

INTER innumera diuini amoris in nos argumenta, vnum est vel ex maximis, sacramenti huius institutio. Sed nec potuit Christus Dominus noster maioris honoris, vtilitatis, ac iucunditatis opus nobis in terris relinquerere, quam in hoc admirabili Sacramento reliquerit. Hic habemus ad quem refugiamus in omnibus aduersis; cui loquamur, cum opus est, facie ad faciem; Deum inquam; cui per hoc Sacramentum coniungimur intimè, & quasi concorporamur. Denique vita ipsa, quæ Christus est, nobis hoc Sacramento porrigitur; vt propterea merito Panis vitæ dicatur; de quo Christus Dominus:

Qui

Ioan. 6.

Qui manducat hunc panem, vivet in eternum.
 Ex quibus & illud colligitur, quòd Sacramentum istud infinitæ virtutis sit; vtpotè quòd contineat fontem gratiæ, & nobis communicet omnem virtutem passionis Christi IESU, cuius est primum infinitū. Atque eam ob rem tot, tantique fructus Eucharistiæ à SS. Patribus traduntur, vt eorum breuiarium duntaxat peragere satis sit. Sunt autem hi.

1. Remittit peccata præterita, quæ oblivione exciderunt.
2. Confirmat aduersum futura.
3. Debilitat vitiosos animi impetus.
4. Tentationes minuit.
5. Ad pietatis studium incitat.
6. Intelligentiam illuminat.
7. Accendit affectum.
8. Confirmat spem.
9. Debilitati nostræ firmitudinem addit.
10. Exhilarat conscientiam.
11. Participes nos facit meritorum Christi.
12. Dat pignus gloriæ.
13. Confirmat cor hominis.
14. Armat fortes, vt strenuè cum diabolo decertent.
15. Alacrem facit ad probas actiones.
16. Mirè adiuuat res aduersas.

17. Por-

17. Pœnas peccati minuit.

18. Et qui est primus & vltimus, ac omnino summus, nos Deo coniungit, vnit, incorporat, & deiferos facit.

Ex quibus apparet ipso Sole clarius, quàm per omnem modum utilis sit & fructuosa Sacramenti huius frequentatio. Vt mirum non sit scriptum olim à beato Ignatio martyre, Apostolorum discipulo ad Ephesios: *Festinate frequenter ad Eucharistiam, & gloriam Dei accedere. Quando enim hoc ipsum assidue agitur, expelluntur potestates Sata- næ, qui actus suos conuertit in sagittas ignitas ad peccatum.* Cuius sententiæ in hæc verba subscribit beatus Ambrosius: *Si quotidianus est panis, cur post annum illum sumis, quemadmodum Græci in Oriente facere consueverunt? Accipe quotidie, quod quotidie tibi prodest: sic viue, vt merearis quotidie accipere. Qui non meretur quotidie accipere, non meretur post annum accipere.* Quid clarius ad commendationem frequentis communionis, contra frigidos Christianos, dici potest?

Et sanè fructus hos in se sentiunt qui sæpè hoc Sacramento, debita præparatione præuia perfruuntur: vt omittam, quod ait S. Vincentius, eradendi purgatorij vnâ esse ex præcipuis ratione, vt quis frequenter communicet.